


Matai 26



Busin namaavaalu naahen de ti sen naatu vindak tii-to ond naatu busin haluusin sen Anutu haluuh hil Islel hôk vu Ijip bôôy-ato, tonde Yesu lo-valup Betaani sen yêêvu Lasalus be kandi lak vu yimbin-atêeto. Tonde Malia hako bel galovasa hôk buayo bop ti, bel galovasaa-ju ond daanggo lak mone bopaata lôôt, ond valup-ambe kaasêeh ak Yesu vaha de laavu lak luvalus, tombe bel galovasaa-jo galôôn vapuuh-ambe lohvu bayêên alo pin.

1

Sil nomaayuuh-ambe laam yuuh-ato ti Yudas Iskaliot la vu kul vaha sen datung salivangin-ato silate yêêv-aso in nambe bu Yesu dukana sil namand. Sil langoyin vakasin sen Yudas nêel-ato be ahend anivasa lôôt, tombe lanêel nambe le lambu mone vu yi, om Yudas salo mop in nambe bu Yesu dukana sil namand.



2

Tombe maanggêem-aso lawiing lohvu Yesu nêêl vu sil-ato be sil samu vanôn busin halusin-ate hôk bayêen-anju. Daahen mondaya vanôn, tonde Yesu lôôh balet ak-ambe lohak vu Anutu, le mem hapok-ambe vu vu yite maanggêem-aso, de nêêl nambe, "Ham gako naas-ambe ham angga, manyinjo sa ningg naavi."



3

Tonde lôôh kap wain ti lak-ambe lohak osin pêêlis la vu Anutu, le mem vu vu sil-ande nêêl nambe, "Ham pin naanum dôk-anjo, manyinjo sa nihees sen sa kaasêeh in nambe Anutu kawiiy hil ngeeyaata-te va nipaya na, de biing-ambe Anutu-te vakasin sen jôôy lung la be neep-ato nanjip niwêek."



4

Tonde Yesu nêêl nambe, "Simon-e angge, Anutu liinggis in Saalang nambe sahi ham naambe sen hil daliihin wit nôôvoow-ato. Le saalohak in hong lung la nambe game gavuuu galompayo sen gawii-having saa-to na le, tonde ganggilin hong nom vu saa-to ond mem okaandu halim-aso."



5

Le Pita nêêl vu nambe, "Omaaho Bop, sa longgpayo la having nambe hil gatung hong dukana kalaambus osin lanyis hong-ambe ganggimb, ond yik lanyis sa gaving hong." Le Yesu nêêl nambe, "Pita, sa naanêel vu hong e, peey busin kokalêeh-ame le naasu le de gale ganjak alum in sa balon yaal vêel e."




6

Tombe Yesu having maanggêem-aso be lala lato taaku Getesmaane, tombe nêêl vu sil nambe, "Ham mandô-jô de sana nganju be saanohak vêel e." Nêêl nambe, "O Aamang, galohvu nambe gambiing va pin om ganôôh kap nimeen-atêenjo vêel in sa, lemu same naanêel e, goo gate va."




7

Tonde Yudas hako hil Lom ngaamong vaha lu ti, osin ahevaavu-so ond yik hil kul vaha sen datang salivangin-ato silate yêev-aso osin hil Palisai lawiing ahevaavu-sôônju lalaa-to, tombe sil taalungg kin osin lam tonde lako va ngaamong-ate having-ambe lala lalup taakuu-ju. Tombe maanggêem-aso ti sap kul vaha sen datang salivangin-ato silate yêev bop yite hil kul ti nanye vasa be yêehin, le Yesu nêêl nambe, "Ngaamong jip." Tonde hambe nama lak nanye be nivasa lak laah.



8

Lalôôh Yesu be lako la be lalukala bayêên, yik kul vaha sen datung salivangin-ato silate yêêv bop-ate bayêên-anju, tonde Pita motaamuyin, le ma de yoo naale aheseseey daka. Tombe hil vaalu lavaav kin hôôk bayêên talind lavuun tombe lato dandô-ju, tombe Pita la hato nando having sil.




9

Tombe yêêv bop salivangin-ate hil kul ti ond omaaho sen Pita sap nanyelis vaalu laa-to yite omaaho ti sen yik sil dangga timuu-to, ond nêêl vu Pita nambe, "Mak saahé hong-anja naale having Yesu hôôk taaku sen daalôôh haah ayuuh ame vu nganjuu-to?" Le Pita lak alu yesin laah, tonde pavis atombe kokalêêh su. Tombe Pita hato la von-ambe ka pasiv-ambe su lôôt.



10


Tombe sil pin kandi lak-ambe lako Yesu la naale yêêv bop Lom ti me, yêêv-anju haale nambe Pilata. Tombe Pilata lingin Yesu nambe, "Yuda-te omaaho lulemak hong a?" Tombe Yesu nêêl vu nambe, "Ganêêl-anja, yik saa-jo." Tombe Pilata wiingin nambe kavaayin Yesu, om teey la vu



11

hil pin-anju yesin laah, le ma de lateey laah nambe, "Ganyiis jak ana haah pako. Ganyiis jakana haah pako."

Lateey nambêênju tombe mem Pilata vu Yesu lukala sil namand in nambe lanyis jakana haah pako. Om lako Yesu tombe yoo kava yite haah pako be lala taaku ti haale nambe Taaku Lukook, de danêêl hôôk Yuda lavand Hiblu nambe Golagaata.




12

Tombe mem layiis yi lakala haah pako vu taakuu-ju, tombe layiis omaaho yuuh daale vaalu vaalu de Yesu naale lavuunaatôôv.



13

De taaku mekanu hôôk-anju tombe tôômb bopaata dinaandiin lôôt, yik tôômb-anju yakaluuh Anutu-te dumb vaambuung alopayôô-to, ond kweek la yuuh. Tombe Yesu teey lava bopaata nambe, "Aamangg, saavu sa kanungg lukalaas onamam." Nêêl lung la tonde mem yimb la.



14

De soosin hôök atombe hil pin davu samu sil in samiinaanôn ond busin sawaasin, om kaansol ti, haale nambe Yusep vu Alimatia, ond omaaho osin haale bop, de ka navu busin sen Anutu naam in ganggin yite

hil-ato, ond lo nôôn timu de la vu Pilata be kataangg Yesu naavi nambe gako be na gambe na.


15

Tombe Yusep vaanggo tâtomb valôôy ti be hako be la lôôh omaahonôn luus-ambe vayum hôök, tombe mem la hambe lukala neep hôök lavandangga ti sen lasap hôök tatuuh danggaa-to, tonde paliy tatuuh

bopaata ti laah hilin lavandangga avi jeen.


16

Busin sen hil Yuda samu sil in nambe lanja vanôn busin haluusin-atêeto lung la, tonde kul vaha sen datung salivangin-ato silate yêêv-aso osin Palisai-so, sil lavuh ti be lala vu Pilata be lanêel nambe,




17

"Yêêv bop-e, mem gêên hey akangg vu vakasin ti sen omaaho tatuhin vahaa-ju naahen nando metumin-ande nêel nambe, 'Busin yaal jung na le mem sale kandi jak naah.'"



18

Tombe sil lala langgi va nikanggi lak tatuuh nanyendangga la vatinin bandumb avi, de latung ahevaavu-so dando mondanggin.



19

Busin sawaasin lung la tonde Sonda samiinaanôn atombe Malia Magadala yuuh Malia ango, yuuh lala in lanji bandumb.



20

Tonde pavis atombe jemaapi yêêy ak taaku lôôt-ande Omaaho Bop-ate Angela ti vu baandoni be lukalaam, tombe la tatolin tatuuh-anju la vêêl in bandumb avi, de nando lak tatuuh baandoni, Tonde ahevaavu-so layi tombe

layêênin lôôt-ambe lahees, tombe lalupake be lala deep nambe sen hil yimbinato.

21

Tombe angela nêêl vu vêêh ayuuh nambe, "Mame anjêênin e. Sa lak ni nambe muuh navu salo Yesu sen layiis ak haah pakôô-to, le me-neep-anjo le, in kandi lak lung la lohvu yoo nêêl-ato."

22

Tombe yuuh lavuuh bandumb pavis-ande yuuh lalaah, tombe yuuh layêênin osin lapêêlis lôôt, de yuuh latup in nambe lana daanêêl banye vu Yesu-te maanggêem-aso.

Tonde pavis atombe Yesu tovu yuuh vu mop be nêêl vakasin osin melaas vu yuuh, tombe yuuh lala lato latung kaatu be lambe namand ak vaha, de yuuh lako haale lak, tombe Yesu nêêl vu yuuh nambe, "Mame anjêênin e, mana naanêêl vu halingg-aso

naambe sil lana Galili tombe

sil e lanji sa vuu-ju."

23

24

Tonde sim maanggêem nomaayuuh-ambe laam ti dando mondaya vanôn atombe Yesu la hato be taato yi langaah vu sil, de nêêl sil in me-lawii-having yi le, in londpayo niwêêk, de me-lawii-having hil sen layi mend ak-ande kandi lak-ato lavand e. Omaaho Bop Yesu vakaas having sil lung la, tonde Anutu hako yi be la nando nama vasa having yi vu baandoni in taato naambe tu yêêv bop.

25

In Anutu yoo ka pasiv lôôt in hil pin vu voon, om wiing Noow yoo nôôn timu laam in nambe hil pin sen londpayo na timu vu yii-to me-lana mend nama le, malis, sil oo mando metumin danggata.

54



60

26

Lom 3:23

Keen, yiyi omaahonôôn pin ond yiyi naawiing va nipaya, om yame aalohvu nambe yaambiing va nohvu sen Anutu ahe naving-ato le.

Lom 6:23

In va nipaya navu nyevahaan vu hil nambe lanjimb-ambe lana mend nama, lemu Anutu ond nawiing samu samu nyemalis amu vu yiyi lak yate Omaaho Bop Yesu Kalisi-te kul nambe yiyi mando metumin danggata.

Hibluu-to 9:27

Hil pin e lanjimb balon timu, tombe sim taamusin e le lambiing vakasin.

27

Epesas 2:8,9

Ke, ham-ame awiing vati lukalaah in nambe nôôh ham vêêl in va nipaya-te nyevahaan e, nganjo ham alompayo la timu vu Yesu, tombe Anutu yoo wiing samu samu vu ham, om yik lôôh ham vêêl nyemalis amu. Dangga me-neepe vu va sen ham nawiing-ato in nambe ham oo gako ham haalem jak e.

Lom 10:9,10

Om naambe onaanêêl Yesu langaah naambe Omaaho Bop, tonde gambiing gaving hôôk galompayo naambe Anutu wiing-ambe kandi lak vu hil yimbin-ate, ond Anutu le gako hong naah vu yi. Keen, yik yalonggpayo nawii-having atombe Anutu nanêêl yiyi nambe hil anivalok, tonde yavingg nanêêl nambe yaawii-having Yesu tombe Anutu nako yiyi nalaah vu yi.

28

Jon 3:16,17

In Anutu yoo ka pasiv lôôt in hil pin vu voon, om wiing Noow yoo nôôn timu laam in nambe hil pin sen londpayo na timu vu yiyi-to me-lana mend nama le, malis, sil oo mando metumin danggata. In Anutu me-wiing Noow laam voon in nambe bu nyevahaan dôôk omaahonôôn-ate nipaya le, malis, wiing yi laam in nambe dôôvu sil.

1 Jon 5:11-13

Om vakasin keen sen Anutu nêêl langaah-ato nambe Anutu vu metumin danggata-te vu yiyi lung la, metumin-anjo dangga lak Noow Yesu timu. Hil pin sen Anutu Noow nando having sil-ato ond sil dala mop metumin-ate, de hil pin sen Anutu Noow-ame nando having sil-ato, ond me-dala mop metumin-ate le. Sa kaavu vakasin-anjo laas vu ham in nambe ham anjak ni vanuh naambe ham sen ham alompayo nala timu vu Anutu Noow-ato, ond metumin danggata-te tu hamate va.

29

Matai 26-28; Luk 22-24; Jon 13-21

Storyline by: Edward D. Hughes

Illustrated by: Janie Forest
and Alastair Paterson


Adapted by: Lyn Doerksen

Buang, Mangga Bible (mmo) © 1981, Wycliffe Bible Translators, Inc. All rights reserved.


<https://live.bible.is/bible/MMOWBT/MAT/1>

©2026 Bible for Children, Inc.
www.M1914.org www.bibleforchildren.org


30




33




34




35




36




37




38



39



40



41




42




43




44




45




46



47




48




49




50




51




52




53



54



55




56




57




58



59



60



61



62